



國家清史編纂委員會·文獻叢刊

清代詩文集彙編

國家清史編纂委員會・文獻叢刊

清代詩文集彙編

《清代詩文集彙編》編纂委員會 編

上海古籍出版社

清代詩文集彙編 五〇九

賜硯堂文集一卷賜硯堂詩集一卷賜硯堂進呈錄一卷萬壽詩冊二卷 彭 浚 撰 一

蓼葦詩存八卷 郭書俊 撰 一九五

太鶴山人集十三卷 端木國瑚 撰 三二三

杏花樓詩稿四卷補遺一卷附年譜 朱 浩 撰 四八一

見星廬詩稿二十二集 林家桂 撰 五六一

衡山彭狀元著

賜硯堂文集

本宅藏板

賜硯堂文集目錄

衡山寶臣彭浚著

古文

茶陵州志敘

夏蓮塘族譜敘

嚴溪族譜敘

玉溪族譜敘

寧鄉周氏族譜敘

賜硯堂文集目錄

耒陽資氏族譜敘

續修瀏陽縣志敘

溫可亭時文敘

趙畏岩三字錦敘

學耨齋記

代瀏陽建考棚記

袖月樓記

浮石記

募修定王臺小引

男兆桂
姪兆桂
李編輯

資力堂傳

周節母傳

彭節母歐陽氏傳

尹貞節傳

雙節傳

融亭蘓公墓誌銘

次山雷太翁墓誌銘

與羅致齋二世兄書

復余星堂觀察書

賜觀堂文集目錄

朱賢村六旬壽敘

浩軒譚太翁七旬晉一壽敘

趙象庵愛冬圖說

瀋陽官署先大人忌日祭文

四六

大司空兼大京尹戴蓮士先生五旬壽敘

齊衣聞太翁暨德配陳恭人六旬雙壽敘

歐陽姬伯母太恭人八旬壽敘

杜母榘太安人六旬壽敘

陳母楊太孺人七旬壽敘

祝寧遠州刺史侯選道張石橋七十壽敘

帥太母李太夫人祭文

挂月山房詩鈔序

慰英宮保相國緣事嚴譴書

附刻

同門祭文

衡山紳衿呈請入祀鄉賢文

事實並錄

孫男登

校字

賜觀堂文集目錄

三

茶陵州志敘

余備員史局欣覩

熙朝著作之隆文物典章之盛十年來與海內諸君子共切編纂蓋作史莫難於志竊用是自慎焉今春讀禮歸廬屏謝應酬何心更事筆墨秋中副車譚子以續修茶陵州志成問敘於余茶陵吾祖居也遷衡已閱十三傳今之聚族於黃堂秋堂石龔者概從其舊棄梓敬恭誼於斯在是烏可辭爰觀其書分門別類較若列眉司事者鳩工庀材因前志增葺之而去浮存實不敢越舊

賜硯堂文集

規模秩如也燦如也茶陵固楚望邑自有明以迄

國初名位顯赫文章勲業冠卓一時州人士耳濡目染鄉先正之典型在焉異日發名乘時弭筆

彤廷潤色鴻業卽以此志爲先聲也可爲序

夏蓮塘族譜敘

吾彭之得姓受氏始於陸終由來舊矣年湮世遠傳次難稽至吾祖徵君構雲公生唐開元自河間瀛州徙居宜春爲江右基祖子孫繁衍吳楚豫章通譜所載甚詳於是人各知其所自出桂陽之夏蓮塘爲宋景炎間元叔公由宜春遷勝而居者其派又分梓樹下大江頭則夏蓮塘又其始基也竊惟夏之取義曰大有盛大之意焉於時爲長有長養之宜焉至若蓮比君子所以著潔香遠而益清也故周茂叔愛之然則元叔公之處此其

賜硯堂文集

君子之業駁上而溯之徵君則根本盤深猶蓮之托生有藕節節通靈也下而驗之于孫則花葉茂密猶蓮之結實於房亭亭自立也其繼繼繩繩發祥未艾非卽所謂物盛大而長養者乎惟時族某某等重修族譜問敘於余余因得詳其始末祠祭有田訓約有規節孝有紀簪纓有序例律有守冠婚喪葬有儀食舊德而服先疇敬宗收族之道盡於是已吾何間然是爲序

嚴溪族譜敘

柘陽之地大都山多而水少吾族之在嚴溪負山而居
溪水環繞清潔可愛其派又居石山頭戶口殷繁奕奕
乎勝境矣丙子冬余經斯里得拜祖先於堂自九公以
下至汝歷公皆吾祖也嗣是而分支循厥本原親親之
道義於斯在今夫山巖崇巖巖蓋峯萬岫相聯綴於無
窮故山不一山也必以脈之所發爲繫屬今夫水波瀾
旋繞分流別派且曾見而不已故水不一水也必以源
之所發爲統綜人之於祖遠者時代久隔難以盡稽若
賜祝堂文集

三

王溪族譜敘

吾族自陸終啓封以來爲得姓之始並無二氏自世代
既遠承傳難以盡稽人各祖其近之所自出以明信也
宜邑之王溪族衆繁衍奉友諒公爲鼻祖文通武達故
人嘖嘖稱王溪彭氏考友諒公出前明永樂與吾祖友
良公由茶遷衡者三時而其派亦同固昔日之兄弟也
歲丙子余將以服闋入都謁宗門通欵好見其家敦克
讓人詠康哉茂矣隆矣時值續修族譜告成咸以序屬
余竊觀王溪之水清淺見底及其盛也與廣水合流故
賜祝堂文集

四

近之所自出一氣相承謹忍忽諸而墟墓展拜掃之誠
祠宇肅豆登之敬恭基之大也流澤之長也脈既真而
源有不可追者乎先是族衆重修族譜已閱二年至是
以序問余余將北入都門異時族父兄子弟騰驥雲路
赴闕偕來潤色鴻業余當南望而佑一觴相與道柘陽
山水之勝不亦幸乎是爲敘

字鄉周氏族譜序

鴻寧周子自國以仲秋登祝融望日歸遇余於星沙曰
僕此行爲平生一大快事於山見待嶽之高於日覲初
出之隆於人則公之文章是也竊以譜序請余曰譜者
所以譜世系也子之族傳於茂叔邇自振宗奉爲鼻祖
如山之敦良磅礴鬱積大氣包舉自得所統宗也自明
永樂迄於今茲派傳十七如山之綿延脈絡分明羣岫
奔放共衍于無窮也至若曰者君象太陽麗天萬物作
視臣下有瞻就之義子之族鐘鼎銘勳者不少當獻賊
賜觀堂文集

五

肆虐時殉難且至七人我
國家承平百七十餘年涵濡日久或能文章或著政績
繼繼繩繩發祥未艾得天光而照之雲之烝也霞之蔚
也其有捧日而干霄者乎然則周氏之譜亦於子之登
山望日見之矣第余之文不敏不足爲譜增重爰探筆
以應之是爲序

未陽資氏族譜敘

余總角時於郡試寓得交未陽資先生璉每余文稿出
必圈點而評賞之先生品端學醇父執也余益以敬先
生繼與資君耀廊同時角遜文壇耀廊君文藝優贍屢
冠郡曹余相見熟且相知深二十年後余官京師二君
子皆以明經老深山矣湘南燕北迴隔人天最後交資
明府希明府以拔萃科登於
廷

聖天子將試其才而大其用也簡之首善之區宰高陽
賜觀堂文集

六

有治行茲以

乘輿清道差竣過余以譜敘請余惟資氏得姓之始自
漢時宣忠公爲資善大夫職備顧問以官賜姓始命爲
資嗣是世籍河南自鵬舉公以軍功官粵東子告旋里
道經衡湘卜居瓜陵墮生三子其次應河公長子啓彬
勳賊護未遂籍於未而開戶焉先儒有言子孫賢族乃
大余嘗過通都大邑見夫世家族姓屋瓦鱗然煥燿巍
然丹堊煥然類皆榜其祖宗之貴顯科第之煥燿乃一
再至而易他人猶有存者不過葺其祠宇挾公族之貴

爲酒食遊戯相徵逐甚至械鬪相峙且視本宗爲秦越不可勝道則所謂賢者安在哉然則其能大者若何必將秀而文者範於士模而愿者力於農工賈恒於業婦女謹於室以道德柔血氣以禮義植綱常如余所交資氏二君子者猶多有品端學醇文藝優贍爲鄉里式則其族之大可知矣抑余更有勗者今

天子以清釐教匪之後予以遷善改過屢下恤民之詔明府保障近縣優游敷政不尙科條能造福於百姓因以造福於子孫其爲宗族光寵保世滋大何疑乎是

賜觀堂文集

七

爲敘

續修瀏陽縣志序

洪惟我

國家歲輪懋豫函夏又安幅員之長古無倫比

皇上御極十六年

命補修一統志所以稽版圖明軌物昭文章也茲春大吏有續修湖南通志之舉下於郡邑而瀏陽之志以次續修按瀏舊志作於康熙乙巳爲邑諸生龍公名昇所撰康熙甲申復輯之多仍其舊所載明季兵燹賦役之苦幾於目不忍觀逮雍正癸丑重修又病簡畧迄今已

賜觀堂文集

八

閱八十餘年是宜修瀏地於省垣爲近而接壤江西東界寧州東南界萍鄉南界宜春萬載居萬山之中爲江西之通衢實省垣之屏衛入其境則人烟輻輳有素封也商賈駢闐無滯礙也桑麻鋪莖葵慶四秋也且登嶂崇山所在開墾亦復人無遺力貨不棄地則向之所謂七苦八難者今皆安居樂業戶盡敦龐矣況乎學校之教隆則文風丕振賓興之典重則士氣日新近且建考棚創文塔奎星之閣聿新巨工屢舉培風水而翊文運以故甲科乙榜照耀湖湘茂矣燦矣斯不獨爲瀏陽幸且

爲吾楚幸亦不獨爲吾楚幸仰見

朝廷厚澤深仁休養生息涵濡於百七十餘年之久被
潤澤而大豐美如此其廣如此其至也獨吾楚也歟哉
獨瀏陽也歟哉維時宰是邑者爲謝介岩明府素崇風
教振作有聲延余主其事余以事匆匆未遑秉筆秉筆
者爲本邑四孝廉周君名雅劉君名葆吾邱君名之芬
彭君名玉蘊云是爲序

賜硯堂文集

九

溫可亭時文敘

文章之與政事一也政事不本經術以立治則其政乖
文章不本經術以立言則其言薄然則修身踐行相與
扶世翼教其惟好學之人乎溫子可亭與余同舉進士
登第後藉藉長安見其人則宅心醇粹篤實醇厚雍容
儒者氣象也越十年宰於楚北之咸寧吏不煩而民不
擾尤以訓士爲兢兢甫三年而報罷僑居鄂城又及二
載咸之士民簞食壺漿無月不給則其政之感人可知
矣今夫貝錦之章光甜雲綺周原之燎勢熾霞城世之
薰心仕宦以奔競爲捷徑之技以排擠爲長駕之才而
視其民人若痛癢之絕不相問間有一二稽古之儒又
日勞心於錢穀簿書文采風流無所表見一行作吏此
事途廢以視可亭之爲人相去何霄壤哉茲以司鐸
諸選來都手一編示余開卷讀之發乎性情範乎義理
其氣凜然而逸其光油然以長由其經術湛深故也行
將友教後學傳諸無窮以名山不朽之事業上於朝廷
而垂永久則謂可亭之文章即可亭之政事也可是爲
敘

賜硯堂文集

十

趙畏岩三字錦敘

曩余與畏岩趙子並令弟養湖共事麓山前後閱六載畏岩勤於余搜羅經義典故手不停披余每就其繕本鈔之暇則相與講論訂譌補闕畏岩之視余以膠投漆不啻也余亦自謂交好之雅舍畏岩昆季其誰篤廿年來南北分馳久疎音問而昔年同研之居京華者如余星堂歐陽坦齋輩每當燈地酒闌道及畏岩昆季亦各切江雲渭樹之思茲余讀禮歸廬乍遇故人如饑之得飽矣畏岩且手一編示余名三字錦分韻拼類比偶諧賜硯堂文集

學耕齋記

吾族自江右來衡先世皆力於農至高祖駁園公篤學力行有私德生子二伯曾祖衡陬公以名進士起家忝懷舊德顏其堂曰恆農先曾祖碧垣公由一第擢明通粹於學尤厚於德遂以耕德名堂嗣而伯祖雲亭公題於居室曰步耕山房先祖松泉公亦題居室曰亦步所蓋弟不先兄之意亦均承父志耳夫耕農之始事也始之則必繼而成之甘雨時降嘉禾遂生既霑既足發榮滋長而獲豐年慰耕者之望存乎天百穀既播良苗懷新是穠是藂芻草芟蔓以培嘉植繼耕者之志係乎人惟學亦然禮曰講學以耨之以云繼也余小子德不足以繼先人而書澤之存存乎勿失亦深懼耕而不耘草其宅之耳至其成也猶有待京居堂側拓處二楹有藤一架夏雨初過閒窗延爽叢碧侵人曾署爲小碧山房志曾祖之別號而額之竊懼其近於袁國名曰學耕齋時嘉慶庚午仲夏中浣也

代瀏陽建考棚記

余蒞瀏六載邑治前有奎星閣舊基葺成之復創文塔於坤巽二方冀以培文教也而考棚之建未遑每歲科兩試諸童携几席就試於官舍兩廊未足容散坐地臘值酷暑嚴寒日炙風號蓋心念者久之謀諸邑紳則云十餘年前公構地宅有基而未舉今愿輸公銀若干以爲建置於是鳩工庀材棟宇屹立窓櫺玲瓏東西列號坐橫以木几鱗鱗然相次而不紊外則繚以周垣高不可踰計日而考棚成余乃進邑人子弟而謂之曰凡

賜硯堂文集

三

事之有基勿壞而樂與有成也類如是矣人之生也有父兄師友之教以植其基黨塾專其職業詩書澤其性情及其成也德行道藝發爲文章播諸事業粹然不失於正我

國家右文崇學雅化作人過孟軻字立之以考爲進取者卽古鄉舉里選之意曰縣而府而院試於鄉試於禮部則縣試其始基也操觚者毋詭邪以趨時基之以正理毋浮薄以說俗基之以實學毋艱深毋勦襲基之以和平博大鐸經鑄史之章後此發名乘時應

聖天子臨軒制策潤色鴻猷成熟有大於此乎則瀏之幸也亦余之望也夫是爲記

賜硯堂文集

七

清代詩文集彙編

袖月樓記

碧空清霽之中烟收雲斂夜光如晝有詩人振筆一揮
宛若入於懷中應手可得者月也周子卓庵深於詩者
也手一冊示余以袖月樓詩鈔名展卷讀之飄然若仙
了無塵滓其遊仙玩琴諸作令人如坐廣寒宮中聽霓
裳羽衣三疊弄過非凡境非心鏡若月者不能且夫天
地之所有仍以公之天地月在天上仙者耽之與夫高
人逸士遷客勞人深閨禪室望之而各據所見其情公
也未有取携而私爲己有者見故泥形迹以求之月不
可得而袖袖之者在乎人之自得耳今登周子之樓嵐
翠接天蒼容若滴樹木陰翳下有清池碧波澄徹冷冷
然可數纖鱗開軒延爽而山色水光恍交拱平揖於几
席之間然則月在山可以貯之月在水可以掬之無不
與身周旋已而酌酒陳肴杯盤狼藉又見月在酒盞中
直吸之而已矣奚止袖坐客亦鼓掌軒渠若欣然有所
得余因知周子之自得也是爲記

賜硯堂文集

十五

泮石記

石可泮乎曰不可歲丙子余過耒陽桐木宿於族之書
齋其左爲家祠右則聚居四五村族人食余以雞黍有
諸生鄭某在坐言此地數十年前某祖若父皆講學於
茲彬蔚可觀故噴噴稱桐木彭家今皆家道中落老成
凋喪不勝今昔之感云族負山而居山形名獅子樹木
殷駁大可盈數抱其趾多石白者可以取火內有帶土
形者色黃中有文理雜白蜂窠間之投之於地其聲破
礧然受以斧則泥粉稍稍墜而大體無損抑似強項而
未可悔手舉之則輕如非石者置之水中若飄焉浮而
不能沉也噫異矣或曰天氣輕清地氣重濁至地秉乎
天其剛柔躁濕之不同猶陰陽寒暑之在天產於地者
亦視氣之清濁爲輕重洎濱浮磬書有之矣茲其得氣
之清者歟余曰以質言則石取其堅重不得言浮如人
之生得陰陽之氣以成形觀其自立必士端農樸男慤
女儻戒奢而崇儉斂華而就實用以保世滋大於無窮
不然輒敗故砭石以篋儒介石以比節石而浮豈石之
本性也哉時僕大哉三石以歸余固不之取也因書其

賜硯堂文集

十六

義以示族人

賜硯堂文集

募修定王臺小引

定王臺者漢長沙王思親之臺也史稱其母唐兒微無寵以景帝二年封但世遠年湮學士大夫或能知其事而道之至壁巷小民則又以黠於見聞而不知募今聖天子以仁孝治天下薄海內外康樂平安宜臬鏡之永靖矣夫人情有感於心則思屬於目則動或出於其地震於其人得諸故老之傳聞愛之慕之流連而豔稱之爲專祠以奉之主名以榮之名山古渡弔古興懷所在皆有顧所爲弔古興懷者倘無關名節之大惟是文士君子游寓卒葬之所則專祠以奉之主名以榮之謂爲江山人文藻之助可也於扶翼世教何與然則定王臺之在長沙惟吾鄉有之亦惟吾鄉宜修之相其基宏其宇丹堊其楹觀於此者仁人孝子之心可以油然而興矣是役也周君某不惜重貲爲之倡而黃明府理堂特捐冊示余余故樂爲之引云

賜硯堂文集

資力堂傳

公名至孔力堂其號也先世隸河南自漢宣忠爲資善大夫以官賜姓後近祖啓彬公勦賊護未遂籍焉而永陽之資氏益著公自幼力學讀書日千言失怙早哀毀骨立遂棄帖括之學以明經貢辟雍主家政家故饒田盈阡陌自公任之益炎炎超然躬自儉約無華衣鮮食之奉其諸許魯齋不廢治庄之業敷管闢小園蒔花數十種每當春暮夏初園如錦繡綠縹陰繁鳥啄花片蝶鼓花叢蜂綴花鬚公撈童灌掃其間臨晨則衆香撲簾

賜硯堂文集

十九

傍晚則明月入几烟雲供養又陶宏景所爲山中宰相者無以異是課兒孫讀最嚴長國學生名某次邑庠生名某而冢孫明府名希以拔萃科官直隸有循聲人皆爲食公之報云明府與余兒兆松會同學相交善因得悉公家世遂書以爲公傳

周節母傳

周節母歐安人年十九歸瀏陽周亮齋公周氏世有積德好善樂施爲邑所推重亮齋公父禹門公早卒時節太安人誓柏舟以婦道而兼子道有二姪女及姪幼喪母教養嫁娶撫如已出亮齋公其冢嗣安人之事蔣太安人克以孝養通經史工吟詠著有續餘草藏於家甫七載而亮齋公卒遺一孤在襁褓中卽卓庵也悲痛欲以身殉姑曰婦死柰我老何且呱呱者將誰屬於是屏膏沐却紵綺笑外詩云誓共死生情不恣阿姑髮白子初啼其志定矣自是詩亦不復作佐姑維持門戶一以撫孤爲事如是者三十年卓庵既長能詩有袖月樓詩鈔四卷付梓長古學太白諸體淡遠追王孟畫品亦高嘗語人曰入齡就塾母氏之教居多訓課最嚴而所得止此夫苦節事之難者周氏之節一家相承若繼志然爲慈母易爲嚴母難安人蓋兼爲其難者歟卓庵名倬州同職銜侍養不樂仕進時以年例符爲母請旌於朝孫四人皆助含貽之樂云

賜硯堂文集

二十

彭節母歐陽氏傳

節婦歐陽氏桂陽人同州彭名遜佳之妻也遜佳之父榮境以姪繼伯父嗣無兄弟氏年十八于歸生一子而夫亡夫臨終時囑氏守節撫孤以兩代單傳故也氏哀號盡禮遂屏文繡理機杼相舟自矢一以撫孤爲事未幾孤殤時氏年二十四痛不欲生顧念夫言徒死無益爰擇堂兄遜階之次子運昌爲繼飲食教誨仰給十指茹苦含辛朝夕焦勞生平寡言笑坐立無苟運昌既長已受室爲母請余爲之傳云

賜硯堂文集

三

贊曰時際隆平忠義無所見而里巷匹夫婦能以節孝顯實足以維綱常名教之大吾宗貞節尹氏其夫輩行長於節母歐陽氏而飲食與共寢處與共不啻以姑視歐陽尹氏之貞歐陽氏實成之余過梓樹下聞其事親見其人而肅然起敬也噫柏節松筠媲美一時矣

尹貞節傳

貞女尹氏桂陽州人父力農女幼聰慧知大義許字同州彭名行玉之長男榮旋爲室年十七而夫故氏痛絕笑言欲向夫門守節父母利龍姓之金欲奪而嫁之已委禽矣女潛知之遂自携被囊問夫家而歸焉登堂拜翁姑號泣哭夫靈矢靡他志後龍姓以委禽故索女不得訟之官尹割髮以誓官廉其志篤爲代償聘金事遂寢而彭氏家故貧女入門自理針黹勤紡績奉堂上甘旨未幾翁故三子尙存女率諸弟奉喪如禮又居然一

賜硯堂文集

三

孝子也將俟弟之成立而生子者爲夫立嗣其來歸也同室有節婦歐陽氏女朝夕相依云
贊曰尹貞女哭夫主望夫門有梓樹父母欲奪志兒不二夫涕如雨登堂拜姑嫜井口理門戶梓樹之山蒼蒼白者阜女髮蒼心白貞節終古

雙節傳

節婦劉氏永州府新田縣劉某之女適桂陽州彭文炳之次子行榜于歸後篝燈佐讀紡織維勤生一女年二十夫故氏哀號哭泣以頭搶地瀕於死賴旁人解救乃得甦回顧呱呱需乳甚急復抱之而涕泣乃斷雨零風女亦繼亡跪泣翁姑前求爲夫立嗣永矢柏舟茲年逾四十八歲膏沐紈綺終身不事焉

節婦張氏桂陽州張某之女乃同州彭文炳之第六子行柏之妻也于歸後二載生女一未久夫故氏痛不欲

賜硯堂文集下

三

生翁姑勸之曰女死柰我老何且此呱呱者將誰鬻氏乃稍釋求立夫嗣遂矢靡他終身不衣文繡而奉甘旨潔滄髓以事高堂則娣姒同心自二十一歲守節迄今四十五歲云

傳曰家庭中至不幸之事莫悲於男兒之死喪而閨門守處儼若夫存此不幸中之猶幸者也至於寒燈哀泣聚於一門心志共堅苦節之甘夏蓮塘當並築懷清室矣

融亭蘇公墓誌銘

太翁融亭蘇公以嘉慶戊午八月卒於官越十有六年將葬於某山之陽其子廷玉請余銘其墓公諱光彩字垂虹號融亭先世自唐隰州刺史利用公始入閩居同安城內蘆山歷數傳移居海澄至敦謨公再移同安溪頭傳十一世至國宸公生子三公其次也幼而穎悟讀書務求精當事親以孝處兄弟以友聞年十七國宸公棄養專理家政遂輟舉子業業醫醫成時郭太孺人久患血症親侍湯藥十餘年而氣體益健術精故也遊京

賜硯堂文集

四

師遇有難治之症治之無不應手活者而名遂顯遵川運例以從九品分發安徽署黃山巡檢甫數月而郭孺人訃至哀毀幾不自存回籍守制服闋後至皖補無爲州泥汊河巡檢兼署土橋巡檢本州州同所至輒有頌聲甲寅無爲州饑大吏奏請賑濟公給戶口錢糧皆躬自檢點胥吏無得染指州地瀕大江堤隴少圯輒壞民田後奉

旨疏濬小河以洩水勢公奉委募夫鳩工晝夜竭力旋旋董事輒有以少報多者州牧趙公諱霖查工至公所